

# 2014 Wasserratta

Olé, miar gönd ins Puff uf Zizers ussa,  
Olé Olé, Olé Olé  
Olé, miar gönd ins Puff uf Zizers ussa,  
Olé Olé, Olé Olé  
Taktisch, faktisch und nit ganz legal,  
Praktisch, ethisch, isch doch scheissegal,  
As tuat a Klapf, as tuat a Schrei,  
as goht nit lang, kunnt Polizei  
Us jedem Winkel kömmens, und keina törf me hei  
Zizers isch nit Züri, döt sind's im Puff dahei !  
Olé, miar gönd ins Puff uf Zizers ussa,  
Olé Olé, Olé Olé  
Olé, miar gönd ins Puff uf Zizers ussa,  
Olé Olé, Olé Olé  
Rotlicht, Milliö, und a huufa Schtrich,  
D'Sitta, z'Züri, kunnt döt au zum Schtich,  
Döt wird nüt gseit, döt wird nit gfrogt,  
döt wird nit gluagt, do wird nu gmacht,  
Suufa, Frässa, Vööglä - und no allerlei,  
so goht dr neuji Schlachtruaf, vur Sittapolizei:  
Slip - Slip - Hurra !!

Am Obig mi'm Kolleg - bi'ma Piar,  
d'Beiz isch läär - das isch schu huara Schtiar,  
ma schnorrt vu Gott - und au vur ganza Welt,  
d'Uhr d'Minuta - langsam abazellt !  
A's SMS kunnt prompt denn vu dahei,  
"Han z'Nacht parat - kumm suss mach'dr Bei",  
Bim zahla gsehni - dia grossa Auga vur Graziella,  
i han dä z'Nacht - drum wüerkli nümma wella !  
Am 2 am Morga kummi endli hei,  
in üsrar Kuchi - sitzi ganz allei,  
suacha dr z'Nacht - wia jetz au no a Reimer,  
gfunda han'na - denn im Abfalleimer !  
I gohn ins Zimmer, kheia grad ins Bett,  
kann nit verschtöh - dass sii vu miar nüt wett,  
as isch wia Smog, tiggli Luft und kei Verkehr,  
noch 3 Füz - isch z'Bett denn au no leer !

In Ems do bauens - bald a grossa Lada,  
das wird ganz sicher - kei zweiti Sentupada,  
Zwei grossi "M" - das isch imfall kei Scherz,  
bedüten neu - vermuatli Migros - Merz !

i-Fon, mei-Fon, alli hoggen am Smartfon,  
das Grät häsch hüt - schu überall derbii  
i-Fon, mei-Fon, alli truggen am Smartfon,  
ohni kasch hüt eifach nümma sii !  
I hogga uf dr Schüssla,  
do schällats wia varuggt,  
i kann doch jetz nit no reda,  
wenn's hinna no fescht truggt !  
i-Fon, mei-Fon, alli luagand uf ds Smartfon,  
Zweisamkeit wird nu zur Näbasach  
i-Fon, mei-Fon, nimm doch grad 2-Fon,  
i glaub mi'r Frau krieg i bald au no Krach !  
Mir Frau ligg i im Bett,  
miar hend's so richtig nett,  
do schällat grad mis Handi,  
as isch min Fründ - dr Ändi !  
Ändi, ghörsch mi - im Moment grad schtörsch mi,  
i kriaga fascht kei Luft, lüt schpöter a,  
Ändi, glaub'miar - i kumma bald zum Piar,  
Sofort goht nit, muasch das halt verschtöh !  
Sofort, sofort goht anderscht !!!

Dia wänds üs neh - das isch a Saich,  
Züzi hend's gmacht - d'Romantik weg,  
as hätt nüt brocht - as lauft nüt meh,  
tüand üs dia letschti Freiheit neh !  
D'Auto hend Büüla - a Gummi liggt do,  
müan' miar üs das Gfalla loh,  
könnt'ma nit d'Wölf - vum Calanda hola,  
so bliiben üs dia Nutta gschtöhla !  
Das isch gschpunna - so kann's nümma goh,  
dr Stapi prüaft - Proschtitutzion,  
ma will das nümma - as bruucht as Huus,  
dr Marti seit das wär z'Laufhuus !  
D'Stadtfinanza - dia sind truurig,  
drum git's au hüür kei Lohnerhöhg,  
Khur könnt' dr Sennhof - als Laufhuus betriiba,  
und Lohnguatschii zum Vööglä schriiba !

D'Aische kriagt - vum Joso grad a Flättara,  
tuat d'Fatima - vum Ali aba klättara,  
wenn vorem Ivan - d'Iwanka umarutscht,  
und dr Mustafa - in da Mechmet flutscht !  
Wenn dr Lele - ufam Gangklo kackt,  
und in da Büro - dr Igor Tresor knackt,  
wenn d'Lulu spielt - mi'm Riama vum'na Puur,  
denn isch'as Nacht - im Welschdörfli z'Khur !

Dr Schällaurli z'Rom - g'nannt Franziskus für Kondom  
400 Pfarrer - verbannt är us si'm Dom,  
d'Gardishta tüan - au schu reklamiera,  
wenn das nit hört - tüa'mr dr Rescht kaschtriara !